

Mae NCEPOD yn defnyddio data cleifion a gesglir o ysbytai a'r gymuned er mwyn helpu i wella ansawdd gofal ar gyfer cleifion y dyfodol

Cymryd rhan

Os hoffech chi glywed rhagor am yr hyn a wnawn neu os hoffech chi gymryd rhan yn ein gwaith, hoffem glywed gennych—defnyddiwch y manylion cyswllt isod.

Optio allan

Mae gan bob claf (16 oed neu hŷn) neu berthnasau/gofalwyr sy'n cynrychioli'r claf (o dan 16 oed) yr hawl i optio allan a pheidio â chaniatáu i NCEPOD ddefnyddio gwybodaeth bersonol at y diben a ddisgrifir yma. I wneud hynny, cysylltwch â ni trwy'r post, trwy e-bost neu dros y ffôn. Nid ydym yn casglu enwau cleifion, felly byddwn angen eich rhif GIG er mwyn adnabod eich data.*

Dr Marisa Mason

Prif Weithredwr

NCEPOD

Ground Floor, Abbey House

74-76 St John Street

Llundain. EC1M 4DZ

0207 251 9060

mmason@ncepod.org.uk

**Yn ogystal, gall rhiant neu ofalwr gysylltu â ni ar ran person ifanc 16 oed neu hŷn os ydynt yn Ddirprwy Gofal a Lles a benodwyd gan lys i weithredu ar eu rhan.*



@ncepod

Mae NCEPOD yn Elusen Gofrestredig yng Nghymru a Lloegr: 1075588
ac yn gwmni cyfyngedig drwy warant:
3019382

Beth yw NCEPOD?

Mae NCEPOD yn sefydliad cenedlaethol sy'n cynnal ymchwiliadau cyfrinachol er mwyn gwella ansawdd gofal ar gyfer cleifion y dyfodol. Ers dros 30 mlynedd, rydym wedi cynnal astudiaethau mewn gwahanol feysydd gofal iechyd sydd wedi cael effaith wirioneddol ar y ffordd y mae gofal iechyd bellach yn cael ei ddarparu.

Gwybodaeth cleifion y mae NCEPOD yn ei chasglu

Mae cysylltiadau ym mhob ysbyty yn nodi sampl fawr o gleifion sy'n berthnasol i bob astudiaeth. Darperir y wybodaeth hon i ni yn electronig, a bydd yn cynnwys data fel rhif GIG/rhif ysbyty/dyddiad geni neu oedran a dyddiad rhyddhau. O'r sampl fawr hon, rydym yn dewis sampl ar hap o gleifion er mwyn cynnwys eu data mewn adolygiad manylach gan glinigwyr.

Ar gyfer pob claf sydd wedi'i gynnwys, gofynnwn i holiadur gael ei lenwi gan y clinigydd sy'n ymwneud â gofal y claf, a bod copïau o ddetholiadau o nodiadau achos, adroddiadau a chanlyniadau profion yn cael eu hanfon atom. Mae'n bosibl y byddwn hefyd yn gofyn am gopïau o lythyrau a chofnodion meddygol gan feddygon eraill fel meddygon teulu; mae hyn er mwyn i ni allu edrych ar draws y llwybr gofal cyfan i weld os oes unrhyw feysydd y gellid eu gwella, megis oedi wrth atgyfeirio, neu fynediad at wasanaethau penodol.

Pan dderbyniwn y data hyn gyntaf, bydd modd ei adnabod, ond gan na fydd unrhyw angen i ni gysylltu â chlaf, caiff yr holl ddynodwyr eu dileu cyn i unrhyw achos gael ei adolygu. Ac ar ôl i bob achos gael ei adolygu, ac ar ôl ysgrifennu'r astudiaeth, mae'r holl ddata'n cael eu dinistrio'n ddiogel.

Ar hyn o bryd, rydym yn casglu gwybodaeth ar gyfer dwy raglen waith

1. Rhaglen Adolygu Canlyniadau Clinigol Meddygol a Llawfeddygol

Mae'r rhaglen waith hon wedi cael ei chynnal ers 1987, ac o ganlyniad, mae wedi bod yn ddylanwadol mewn sawl maes megis:

Lleihau nifer y llawdriniaethau a gynhelir y tu allan i oriau

Gwella gwasanaethau trawma a chanser

Gwella cydnabyddiaeth ar gyfer cleifion sâl iawn sy'n gwaethygu

2. Rhaglen Adolygu Canlyniadau Clinigol Iechyd Plant

Mae'r rhaglen hon yn gymharol newydd i ni, ac mae'n edrych ar ansawdd y gofal a ddarperir i blant ac oedolion ifanc.

Mae'r ddwy raglen waith wedi'u comisiynu gan y Bartneriaeth Gwella Ansawdd Gofal Iechyd (HQIP) fel rhan o'r Rhaglen Genedlaethol ar gyfer Archwiliadau Clinigol a Chanlyniadau i Gleifion (NCAPOP). Cyllidir y rhaglen gan GIG Lloegr, Llywodraeth Cymru ac, yn achos rhai prosiectau unigol, gweinyddiaethau datganoledig eraill a thiriogaethau dibynnol y Goron: www.hqip.org.uk/national-programmes.